

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Especyal nga Isyu  
Marso 29, 2006  
[www.philippinerevolution.org](http://www.philippinerevolution.org)

# Maghimakas agud padasigon ang pagpukan sa rehimeng Arroyo kag pabaskugon ang rebolusyonaryong hublag

**Mensahe sang Komite Sentral sang Partido Komunista sang Pilipinas  
sa mga Kadre sang Partido, Pulang Kumander kag Hangaway  
sang Bag-ong Hangaway sang Banwa**

**S**a ngalan sang Partido Komunista sang Pilipinas (PKP), ginapahayag sang Komite Sentral ang pinakamainit nga rebolusyonaryong pagtamyaw sa mga kadre sang Partido, Pulang kumander kag hangaway sa malipayon nga okasyon sang ika-37 nga anibersaryo sang pagkatukod sang Bag-ong Hangaway sang Banwa (BHB). Nagasaludo kami sa mga kadalag-an sa pagsulong sang pumuluyong Pilipino sa demokratikong rebolusyon paagi sa malawigan nga inaway batuk sa imperyalismong US kag mga lokal nga nagaharing sahi sang dalagku nga kumprador kag agalon nga mayduta.

Ginapasidunggan naton ang tanan nga kadre sang Partido, Pulang kumander kag hangaway nga nag-amot sa mga kadalag-an sang demokratikong rebolusyon sang banwa halin 1969. Ginapangibulahan namon kamo sa inyo mga naagum sa hilikuton masa kag sa pagpaabante sang inaway banwa sadtong nagligad nga tuig. Gindayaw namon ang tanan nga Pulang kumander kag hangaway sa paglunsar sang mga taktikal nga opensiba sa pungsodnon nga sakup.


Ginahatag namon ang pinakamataas nga pasidungog sa aton mga rebolusyonaryong martir. Inspirasyon naton ang ila kabaganihan, pagtinguha kag pagsakripisyo. Himuon naton sila nga huwaran agud hatagan sang dugang nga kahulugan kag katarungan ang ila pagkamartir paagi sa maisog kag matutom nga pagpakig-away. Base sa natipon naton nga kusog, liwat naton ginapanug-an ang determinasyon nga isulong ang



rebolusyong Pilipino.

Ginaatubang subong sang pumuluyong Pilipino ang malauton nga rehimeng Arroyo. Gin-agaw sining rehimen ang gahum paagi sa dinayaay sa eleksyon kag todo kapyot ini sa poder sa pinakamahigko nga paagi. Tuman nga masinulundon ini sa imperyalismong US kag dala sini ang pinakamalain nga mga kinaiya sang lokal nga mga mapanghimulos nga sahi sang daku nga kumprador kag agalon nga mayduta. Wala ini sang ginapakasanto sa korapsyon, brutalidad, pagkatuso kag kabutigan. Ginatuyo sini nga waskon ang rebolusyonaryong hublag sa desperadong handum nga tapnaon ang tanan nga mga porma sang pagpamatuk sa pagpamigos kag pagpanghimulos.

Gani ginabuyok namon kamo nga padayunon kag labing pasingki-on pa ang pungsodnon nga koordinadong mga taktikal nga opensiba nga gin-umpisahan sadtong katung-anan sang Septyembre sang nagligad nga tuig. Padasigon naton ang bwelo sang aton mga taktikal nga opensiba. Ang mga ini ang pinakamaayo nga sabat sang pumuluyo kag sang mga rebolusyonaryong pwersa sa nagapasingki nga terorismo sang estado kag sa pagluntad sang pasistang diktadurya. Dap-pat kita magbato agud padasigon ang ang pagpukan sa rehimeng Arroyo kag pabaskugon ang rebolusyonaryong hublag. Ang plano naton amo nga magsulod kag palutuan ang nahanunga nga lebel sang estratehikong depensiba sang inaway banwa.



## Ang kagarukon kag pagkahamulag sang rehimen nga naputos sa krisis

Umpisa 2001, labaw nga pag-antos ang ginadulot sang rehimeng Arroyo sa malapad nga masa sang pumuluyo. Ginpataw sini ang pinakamalaut nga polisiya nga nagahimulos kag nagapamigos sa pumuluyo kag nagaserbi sa kadalukon sang dumuluong nga monopolyong kapitalismo, lokal nga pyudalismo kag burukrata kapitalismo. Ginpalukdo sini sa pumuluyo ang tanan nga pabug-at nga tuga sang permanenteng krisis sang nagahari nga sistemang malapyudal kag malakolonyal kag sang pangkalibutanon nga sistemang kapitalista.

Labi pa nga ginpaidalum sang rehimeng Arroyo ang pumuluyong Pilipino sa polisiya sang globalisasyon nga dikta sang US, nagalapas sa soberanya nga pang-ekonomya kag lubos pagbaligya sang pungsodnon nga patrimonya. Ang liberalisasyon, pribatisasyon kag deregulasyon para lamang sa kapuslanan sang dumuluong nga monopolyo kag ila mga ahente sa kalautan sang bug-os nga pungsod, sang anakbalhas, sang kababaihan kag mga bata kag embayronment.

Wala pa natupungan ang kalalaon sang krisis pang-ekonomya. Nagkalaguba ang lokal nga manupaktura kag produksyon sang pagkaon sa pagdagsa sang mga import. Nagkalaguba ang produksyon sang hilaw nga materyales kag malamanupaktura nga may manubo ng dugang nga balor bangud sa sobrang suplay kag manubo nga presyo sa pangkalibutanon nga merkado. Daku ang

gasto sang reaksyunaryong estado sa mga maanomalya kag ginpahabok nga presyo sang mga suplay para sa iya makinaryang burukatiko kag militar. Ginahatagan-prayoridad sa pondo ang militar, pulis kag himu-himo nga operasyon pang-intelidyens sangsa basehang serbisyo sosyal tulad sang sang edukasyon kag ikaayong lawas.

Wala pa natupungan ang kalalaon sang krisis pangpinansya. Bangkrap ang reaksyunaryong estado, ang balayran sa utang pangpubliko katumbas sang masobra 90 porsyento sang makolekta nga buhis kag masobra 30 porsyento sang badyet sang gubyrno (wala nalakip ang mga utang sa luwas nga naklasipika nga salabton sang estado). Wala kontrol ang rehimeng Arroyo sa pagpangutang sa sulod kag guwa sang pungsod agud bayaran ang padayon nagadaku nga depisit sa badyet kag negosyo kag tugahon ang ilusyon sang pag-uswag sa lokal nga produksyon. Nagasulod ini sa labing dehado nga kasugtanan komersyal sa dumuluong nga pagpangutang.

Ginapasalig sini sa kumpanya kag bangko nga multinasyunal nga ang ekonomya sang Pilipinas malutaw sang triple nga kumbinasyon sang mga bag-o nga pangluwas kag lokal nga utang, sang remitans halin sa mga migrante nga mamumugong Pilipino kag daku nga pagpataas sang buhis. Nagapuga sa masang anakbalhas kag mga nahanunga nga saray ang pagpataw sang *expanded value-added tax* sa kahimtangan sang bagsak nga ekonomya. Nagabunga ini sang diskontento sosyal kag pagbato.

Tuman kataas ang lebel sang kabilugan disempleyo, nga halos 50 porsyento sang kusog pagtrabaho ang aktwal nga wala trabaho. Ang nominal nga kita sang pumuluyo pirme ginabuhinan sang mataas nga mga presyo sang basehang balaklunon kag serbisyo. Sa pangkabilu-

gan, nagapakupos ang piso, nga ginapiyan-piyanan lamang sang pag-sulod sang utang sa luwas. Labi nga nagakaguba ang mga serbisyo sosyal, ilabi na ang edukasyon kag ikaayong lawas, kadungan ang nagadaku nga balayran nga ginasukot sa pumuluyo.

Masobra 80 porsyento sang populasyon nagakabuhi nga nagapatibi sa kaimulon. Kadam-an sa ila nagakabuhi sa kulang sa \$US2 ukon P104 kada adlaw. Tuig-tuig, nagapabungol-bungol ang rehimen sa gamay nga ginapangayo nga dugang nga P125 sa kada adlaw nga minimum nga suhol. Biktima sang ginpalala nga porma sang pyudal kag malapyudal nga pagpanghimulos ang masang mangunguma. Ginapeste sila sang pagpang-agaw sang duta, arbitraryo nga pagpataas sang arkila sa duta, usura, ginpanubo nga presyo sa *farmgate* nga mga produktong agrikultural, manubo nga suhol sang pagtrabaho sa uma kag kawadon sang iban pa nga makitaan. Ginaproblema sang kadam-an kon paano makakaon sang tatlo ka beses sa isa ka adlaw. Biktima sang kaglutmon kag malnutrisyon ang kadam-an nga mga bata kag ila mga iloy sa mga imol nga komunidad sa syudad kag kaumhan.

Malisyoso nga ginagamit sang rehimeng Arroyo ang islogan nga "gera kontra sa terorismo" bilang lisensya sa pagpigis sa pumuluyo, ilabi ang masang mamumugon kag mangunguma kag mga pungsodnon nga minorya. Ginaakusar ang mga unyonista nga terorista sa pabrika kag maabtik nga ginagamit ang militar kag pulis sa pag-atake kag pagpatay sa mga nagawelga. Gintukod kag gingamit sini ang Oplan Bantay Laya agud maglunsar sang mga kampanya sa pagtapna sa mga masang mangunguma kag mga prenteng gerilya agud pagaserbihon ang interes sang mga lokal nga agalon nga mayduta kag dumuluong nga korporasyon.

**Isa ka traidor nga  
rehimen ang rehimeng  
Arroyo nga nagapangamuyo  
permi nga  
suportahan sang US.**

Ginaagaw sini ang duta sang mga mangunguma kag pungsodnon nga minoridad kag labi nga ginabuksan ang dunang manggad sa mga korporasyon nga dumuluong kag dalagku nga kumprador nga interesado sa pagmina, pagpangtroso, agrikultura kag manggad sa dagat. Makahalawhaw ang gilayon nga kahalitan sa katilingban kag naturalisa. Permanente ang pagkaguba sa mga manggad nga *nonrenewable*. Bangud sa kawad-on sang pagasikaso sa manggad sang kagulangan kag *reforestation*, nangin permanente ns ang pagkalbo sang kagulangan nga ginatunaan sang pagbaha, pagtiphag sang duta kag malawig nga tingadlaw.

Maluwas sa pagdeploy sang konsentradong pwersa kag mga *special operations team*, tuyo sang Oplan Bantay Laya nga kugmaton ang pumuluyo sa paggamit sang mga *death squad* agud mangidnap, mangtortyur kag magpamatay sa mga lider kag katapu sang mga progresibong organisasyong masa kag mga grupo sang *party-list*, mga aktibista sang tawhanong kinamatarung, mga pari kag pastor, titser, abugado kag mamahayag nga aktibo nga nagapangapin sa mga interes sang pumuluyo. Nagahana subong ang rehimen sa pagbuhi sang mga *death squad* sa pungsodnon nga kabisera kag pasingkion pa ang mga aksyon sini sa mga syudad sa mga prubinsya agud suportahan ang mga yunit sang militar kag pulis nga arbitraryo nga pagpang-aresto, pagpanghalughog kag pangumpiska kag pangtapna sa mga aksyong protesta.

Isa ka mayor nga kinaiya sang Bantay Laya amo ang hayag nga

katuyuan sini nga waskon ang ginadudahan nga pangpulitika nga imprastruktura sang rebolusyonaryong hublag. Ginmodelo ini sa Plan Phoenix sang US sa gerang agresyon sini sa Vietnam sadtong ulihi nga bahin sang 1960 kag gintukod mismo Cabinet Oversight Committee for Internal Security (COC-IS) sa pagpamuno sang madugay na nga mga ahente sang US tulad nanday Gen. Eduardo Ermita kag National Security Adviser Norberto Gonzales.

Sa paggamit sang kabangisan nagasalig ang rehimeng Arroyo nga unahan kag mabalabagan ang kahublagang masa kag malapad nga nagahiliugyong prente sang mga ligal nga pwersa nga nagatuyo pukanon ini ukon pwersahon nga magbiya paagi sa matawhay kag indi bayolente, pareho sang pagpukan kay Marcos sadtong 1986 kag kay Estrada sadtong 2001. Ginakaiyahan ini sang pag-alsa sang pumuluyo kag pagbuyok sa pag-atras sang suportang militar kag pulis nga magatras sa rehimen agud hatagan dalan ang bag-o nga sibilyan nga gubiyerno. Ugaling, ang paglikaw sang paggamit sang kusog sang militar kag pulis batuk sa mga pwersa sang oposisyon kag sa pumuluyo ginapagguwa nga pagkudeta sang rehimen kag iya mga bayarang propagandista.

Sa paggamit sang brutal nga pwersa, naglukso ang rehimen halin sa kuno "*preempted calibrated response*" sa pagpugong sa pumuluyo sa paggamit sang ila kinamatarung sa hilway nga pagtilipon kag pagpahayag pakadto sa pag-angkon sang mga gahum sang layi militar sa ngalan sang deklarasyon sang "*state of national emergency*" tulad sang Proclamation 1017. Bisan pa ginbawi na ang deklarasyon nga ini bunga sang lapnagon nga pagpakamalaut, nagapadayon ang rehimeng Arroyo sa paghimo sang pag-aresto nga wala mandamyento, wala pat-ud nga panahon sang pagpreso, pag-

reyd kag pagpamahog nga isara ang masmidya kag pagkontrol sa mga utilidad publiko.

Agud makapabilin ini sa poder kag palaparon ang kagamhanan, ginatuyo sang rehimeng Arroyo nga pihakon ang malapad nga nagahiliugyong prente nga nagabato sa iya paagi sa tuyo nga pagwasak sa mga ligal kag patriyotiko kag progresibong pwersa. Ginalauman man sini nga piangon ang armado nga rebolusyonaryong hublag sa pagwasak sa mga ligal kag patriyotiko kag progresibong pwersa. Ginapamilit ni Arroyo kag sang iya Cabinet Oversight Committee ukon grupo nga nagatut-ok sa Internal Security nga may pahanugot ini sa US nga pamasyon ang mga komunista kag pwersang patriyota sa ngalan sang anti-terorismo agud kanselahon ang *mid-term* nga eleksyon sa 2007, mapunggan ang mga partido sang ligal nga oposisyon nga magdaug kag *ma-impeach* si Arroyo kag hawanan ang dalan para sa pagbaylo sang konstitusyon, ang pag-amyendar sa 1987 konstitusyon paagi nga magserbi lunsay sa katuyuan sang rehimeng Arroyo kag mga imperyalistang US.

Nakatalana nga makuha sang rehimeng Arroyo ang gahum nga awtokratiko nga pareho sadto ni Marcos sa konstitusyon sang 1973 sa paltik nga transisyon halin sa presidensyal pakadto sa parlamentaryo nga sistema sang gubyerno.

Tuyo man sini nga palabnawon ang maathag nga mga garantiya nga nakasaad sa doktrinang Miranda kag panason ang mga pamugong sa paggamit sang kagamhanan sang layi militar. Kabaylo sini, ang US kag iban pa nga dumuluong nga mga korporasyon makaangkon sang lubos nga pagpanag-iya kag kontrol sa kadutaan, dunang manggad, mga utilidad pangpubliko kag tanan nga negosyo. Ang mga pwersa militar sang US mahimo magmentenar sang mga base militar, mga tropang pangkombat kag armas nukleyar sa

teritoryo sang Pilipinas.

Isa ka traidor nga rehimen ang rehimeng Arroyo nga nagapangamuyo permi nga suportahan sang US. Wala ini nagatuon halin sa pagtuhaw kag pagkapukan sang pasistang rehimeng Marcos. Nakapadipulos sadtong una si Marcos sa suportang US samtang nagasunod ini sa iya mga dikta. Pero sang katapusan, ginpabay-an siya sang US sang magsaka sa mataas nga lebel ang malapad nga nagahiliugyong prente sang mga antipasistang pwersa kag sa kahublagang masa batuk sa ginapatuman nga mga mapintas nga tikang.

Sang suguran ni Marcos sang iya pasistang diktadurya sadtong 1972, ang pagpangibabaw sang mga polisiyang Keynesian ang nagpahanugot sa iya nga makapangutang sang daku nga ginagamit niya agud pabaskugon ang reaksyunaryo nga armadong pwersa. Sadto may masobra 19,000 nga tropa kag daku nga *air* kag *naval base* ang US sa Pilipinas, nga gingamit ni Marcos para makakuha sang madamu nga pangmilitar nga mga tanyag kag utang. Ugaling ang pagpangibabaw sang polisiya nga neoliberal sang US nagduso sa mga rehimen pagkatapos ni Marcos, ilabi na ang kay Ramos kag Arroyo, nga tambakan ang pungsod sang maanomalyang pautang halin sa mga dumuluong nga bangko komersyal kag sa balaligyaan sang bono.

Wala sapayan sang daku nga kantidad sang suporta militar kag pinansyal ang ginahatag sang US kay Marcos sa sulod sang 14 anyos nga pasistang diktadurya, nagbaskog kag nagsulong ang rebolusyonaryong pumuluyo kag mga pwersa sa pagpamuno sang Partido Komunista sang Pilipinas. Tuhtub subong, padayon sila nga nagabaskog sa kubay sang pumuluyo. Isa na nga tampok nga penomenon sa bilog nga kalibutan ang armado nga rebolusyonaryong

**Ang pagkatunga-tunga  
sini sa mga maki-kag  
anti-Arroyo ang  
pinakatalupangdon nga  
bag-ong hitabo sa  
reaksyunaryo armadong  
pwersa kag pulis.**

kahublagan sa Pilipinas. Ginapamatud-an sini nga masaranggan sang rebolusyonaryong pumuluyo kag mga pwersa panindugan kag batuan ang ano man nga himuon sini sa iya malakolonya.

Sa idalum sang Visiting Forces Agreement, direkta nga nagapasilabot ang militar sa US sa Pilipinas, una sa ngalan sang paglunsar sang tingub nga paghanas upod ang mga papet nga armadong tropa sang Pilipinas kag madason sa ngalan sang pag-away sa mga "teroristang Muslim" sa Pilipinas bilang "ikaduha nga patag-awayan" kuno sang gera kontra sa terorismo ni Bush. Pero tuhtub subong, maathag nga napaslawan ang mga tingub nga operasyon sang US kag mga papet nga tropang Pilipino sa pagwasak sa Abu Sayyaf, isa ka gamay nga hubon sang kriminal sa magamay nga bahin sang Pilipinas, luwas lang kon hugod ini ginapaluntad agud magamit nga dahilan para sa pagdala sang US sang pwersa militar sa ngalan sang pag-away sa kuno terorismong Islamiko.

Sa pihak nga bahin, permi nga may mga kutod ang gahum militar sang US. Sadtong panahon ni Marcos, masako ang US sa iya mga gerang agresyon batuk sa Vietnam kag pumuluyong Indochinese kag sa madamu pa nga iban nga kinagamu sa kalibutan. Sa subong, wala tupong ang pagkahitad sini. Nagakalubong ini sa Iraq, nagakauyang ang madamu nga tinawo kag resorsa kag indi halos makahatag atensyon

**Nagahulag ang BHB sa masobra 120 prenteng gerilya nga nagasakup sang 800 munisipalidad sa 70 sang kabilugang 79 prubinsya sang Pilipinas.**

sa iban nga bahin sang kalibutan. Samtang masako sa pagkuripon sa mga sorsa sang langis sa Middle East kag Central Asia, ginahayag sang US ang kahuyangan kag bulnerabilidad sini sa East Asia, South Asia, Latin America kag iban pa.

Sa ekonomya kag pinansya, naputos sang kagarukan ang US. Grabe ang krisis sini sang sobrang produksyon. Nagakabuhi ini sa kahalitan sang iban nga imperyalistang pungsod kag pila ka dependyente nga pungsod sa pagbuyok sang mga pamuhunan halin sa mga ini kag pagbaton sang barato nga kantidad kabaylo sang mga ginainport sang US. Ginapagguwa sini bilang "pag-uswag" sang GDP ang ginpahabok nga gingastuhanan halin sa pinansya sa luwas, bukal sang konstruksyon sang pamalay, sobra-sobra nga gasto sang gubyrno sa militar kag "*homeland security*" kag ginpadaku nga balor sang mga puhunan sa produksyon militar, ispekulasyon sa pabalay kag sa salin sang nagtaliwan nga bukal sang *high-tech*.

Ang matuod nga yara sa sitwasyon sang depresyon ang bilog nga kalibutan, kag labi nga grabe ang kahimtangan sang mga mayorya sang mga pungsod nga atrasado kag prodyuser sang mga hilaw nga materyales. Pero ang ilusyon sang pangkalibutanon nga pag-uswag sang ekonomya ginatuga sang neoliberal kag monetarista nga manipulasyon sang polisiya sa pinansya kag kwarta sa tanan nga imperyalistang pungsod kag pila ka dependyente nga pungsod pareho sang China, India kag Brazil. Posible

makatuga sang pag-uswag sang GDP paagi sa pagpadaku sang pagpasulod sang pinansya sa konsumo, sa gubyrno kag pamuhunan nga wala aktwal nga pagpataas sang indutriyal nga produksyon kag regular nga empleyo. Gani may penomenon sang pag-uswag nga wala dugang nga empleyo kag nalansang ang sweldo.

Indi malubad sang panggwa nga pwera ang krisis sa ekonomya sang Pilipinas. Sa kamatuoran, nagadalum ang krisis sa ekonomya kag katilingban bangud mismo sa polisiya nga dikta sang US kag mga ahensya nga multilateral nga kontrolado sang US pareho sang IMF, World Bank kag WTO. Labi pa nga magagrabang krisis sa paghimbunanay sang US kag iban pa nga imperyalista sa daku nga kumprador, agalon nga mayduta kag burukrata kapitalista.

Sa subong nga kahimtangan nga krisis sosyo-ekonomiko, labi lang nga magalala ang krisis sa pulitika. Naglaya na ang mga dekorasyon sang burges-demokrasya nga ginbalik pagkatapos mapukan si Marcos. Sa liwat, bangud sa nagapalala nga krisis, indi na makahari ang mga reaksyunaryong sahi. Maathag nga ginhayag sang Proclamation 1017 ang huyog sang nagaharing guban nga ipataw sa pumuluyo ang hayag nga pagginahum sang kahadlok.

Labi nga mas mapait kag bayolente sangsa nagtaliwan ang mga kontradiksiyon sa tunga sang reaksyunaryo. Labi nga nangin korap ang mga reaksyunaryo nga yara sa poder. Ang mga reaksyunaryo nga wala sa poder labing madasig sa pagbuyagyag sa mga kalautan sang yara sa poder. Nahamulag sa mga reaksyunaryo ang nagaharing guban Arroyo bangud sa iskandaloso nga paggamit sang pangpubliko nga pondo agud pangbakal sang boto kag suhulan ang mga upisyal sa eleksyon kag militar nga dayaon ang eleksyon.

Nagatinguha ang nagadamu nga

mga partido oposisyon nga magsakay sa nagalapnagon nga kaakig sang banwa sa rehimeng Arroyo sa malapad nga sakup sang mga isyu ekonomiko, pagkatilingban kag pangpulitika. Nagaluya ang nagahari nga koalision sang mga partido nga ginatawag Lakas-CMD sa paghalin sang Liberal Party kag iban pa nga partido. Mismo sa sulod sang kabinete ni Arroyo, nagbiya ang sinipikanteng numero sang myembro sang kabinete kag iban pa nga mataas nga upisyal halin sa katunganan sang nagligad nga tuig. Nangin oposisyon na ang Senado.

Ang pagkatunga-tunga sini sa mga maki-kag anti-Arroyo ang pinakatalupangdon nga bag-ong hitabo sa reaksyunaryo armadong pwera kag pulis. Natulunga ang mga upisyal sa indi magnubo sa lima ka grupo: ang mga upisyal maki-US kag maki-Arroyo, duha ka grupo sang maki-US pero anti-Arroyo (Coalition of National Salvation nga ginapamunuan ni anay Defense Secretary Fortunato Abat kag YES-ARMS sang retirado nga Commodore Aparri) kag duha ka relatibo nga patriyotiko kag progresibong grupo sang mga upisyal nga anti-Arroyo (Para sa Bayan/YOU New Generation kag Katipunan ng mga Anak ng Bayan/Makabayang Kawal Pilipino).

May yara pa nga mga grupong anti-Arroyo sa militar kag pulis. Nagapadamo ang mga ini agud paslawon ang kontra-paniktik sang rehimen. Ang pinakasignipikante nga pag-uswag sa subong nagaindakal nga pulitika amo ang pagtuluhaw sang mga grupo sang mga upisyal militar kag pulis nga anti-Arroyo na handa magsulod sa untat linupok, alyansa kag kooperasyon sa rebolusyonaryong hublag agud batuan ang rehimeng Arroyo kag magabante sa pagtukod sang isa ka patriyotiko kag demokratikong gubyrno sa idalum sang prinsipyo sang *civilian supremacy*. Ginasiakway nila ang reaksyunaryong tradisyon sang

militar sang pagkamasinulundon sa US kag sa mga lokal nga mapanghimulos nga sahi kag pagkuha sa lamisa sang ila parte nga munho.

Ang kadam-an sang mayorya sang mga upisyal kag ordinaryong suldado sang militar kag pulis nagapamatuk sa rehimen bangud sa nangakangil-ad sila sa wala mga natuman nga promisa sang dugang nga sweldo kag pensyon, bangud nagakaiskandalo sila sa paggamit sang militar agud dayaon ang eleksyon 2004 sa madamu nga lugar, bangud ila batuk sila sa pagdispalko sang mga korap nga heneral sa pondo pang-operasyon kag sinuptan kag bangud nagaribok sila sa madasig nga promosyon sang mga paborito, kaprubinsya kag mga himata ni Arroyo kag sa hayag nga koneksyon sang mga ini sa mga pinakamakwartahan nga sindikato kriminal sa pasugal, pagholdap sa mga bangko, *kidnap-for-ransom*, ismagling, iligal nga droga, *carnapping* kag iligal nga pagtroso.

Paborable para sa armadong rebolusyon ang malala nga krisis sosyo-ekonomiko kag pulitikal sang nagaharing sistema kag ang labing mapintas nga kontradiksyon sa mga reaksyunaryo. Sa pagsulong sang husto nga linya sang demokratikong rebolusyon sang banwa paagi sa malawigan nga inaway banwa, nahingalitan sang PKP, BHB kag iban pa nga suhetibong pwersa sang rebolusyon ang paborableng kundisyon agud sabton kag sundon ang demanda sang pumuluyong Pilipino nga rebolusyonaryong pagbag-o.

### **Natipon nga mga kadalagan kag basehan para sa pag-abante**

Sa absoluto nga pagpamuno sang Partido, nakatipon sang mga kadalagan ang BHB sa nagtaliwan nga 37 tuig kag nag-angkon sang bulawanon nga

kadalagan sining nagligad nga tuig. Ginapauna sini ang pulitika sa tanan nga paghulag. Nakatuon ini sang maayo sa Ikaduha nga Dungganon nga Kahublagan Panadlong kag nagtungod sa mga hilikuton pulitika, militar, produksyon, organisasyon kag kultura kag iban pa nga kapot ang salsaon nga disiplina.

Ginasulong sang BHB ang rebolusyonaryo nga armadong paghimakas, reporma sa duta kag pagtukod sang baseng masa bilang integro nga sangkap sang demokratikong rebolusyon. Ginalunsar sini ang armadong paghimakas agud tukuron ang kaugalingon sini bilang isa ka pang-away nga organisasyon kag lutuson ang pwersa sang kaaway. Ginatigayon sini ang reporma sa duta agud matuman ang demokratikong kaundan sang rebolusyon kag pahulagon ang masang mangunguma bilang pinakamalapit nga mga alyado sang sahing mamumugon. Ginabuyok kag ginasuportahan sini ang mga organo sang gahum pangpulitika kag ang mga organisasyong masa sang mga mamumugon, mangunguma, kababaihan, pamatan-on, bata kag mga aktibista pangkultura. Ang organisado nga baseng masa amo ang pinakamasaligan nga bubon sang mga Pulang kumander kag hangaway.


Nagdaku ang BHB bilang pangunahon nga organisasyon sang Partido. Nagdaku man ang Partido bilang tugas sang pangpulitika nga liderato sa sulod sang BHB. Ang mga kadre sang Partido, mga Pulang kumander kag hangaway pirme nakapaidalum sa mga natalana nga yunit kag nakapaidalum sang mga natalana nga kumand. Gani nasapraktika sa kada adlaw ang kabuhi sang Partido kag gani sarang makarekrut kag makahanas sang bag-o nga mga katapu sang Partido. Ang mga kadre sang Partido, mga

Pulang kumander kag hangaway nagabuligay sa pag-organisa sa masa kag Partido sa mga lokalidad.

Nagahulag ang BHB sa masobra 120 prenteng gerilya nga nagasakup sang 800 munisipalidad sa 70 sang kabilugang 79 prubinsya sang Pilipinas. Kada prenteng gerilya may kabilugang kusog nga isa ka kumpanya nga may mabaskog nga kalibreng riple, nga matulunga sa isa ka platon bilang sentro de grabidad ukon pangunahong yunit gerilya kag duha pa nga platon bilang sekundaryong yunit gerilya, nga matulunga sa mga iskward kag tim para sa hikikuton masa sa mas malapad nga sakup.

May ikasarang ang BHB nga magkonsentrar sa mga platon, pinadaku nga platon kag lubos nga kumpanya para sa taktikal nga open-siba kag magpatuman sang layi sandig sa nagkalain-lain nga lebel sang pag-uswag sang mga prenteng gerilya kag sa ikasarang sang kumand sa lebel sang prenteng gerilya, prubinsya kag rehiyon. Ang BHB yara pa sa halintang sang pagpadamu sang mga pang-away nga platon agud lab-uton kag pauswag ang nahanunga nga lebel sang estratehikong depensiba kag makalunsar sang lapnagon kag mai-akit nga pagpakig-away gerilya sa bilog nga pungsod.

Linibu-libo ang pultaym nga hangaway sang BHB sa bilog nga pungsod. Dugang pa diri ang milisya sang pumuluyo bilang pwersa nga pulis sa mga lokalidad kag mga yunit sa depensa-sa-kaugalingon sang mga organisasyong masa. Ang milisya sang pumuluyo kag mga yunit depensa-sa-kaugalingon mga katuwang kag reserba sang BHB. Mas madamu sila sangsa pultaym nga mga hangaway sang BHB. Makarekrut ang BHB halin sa kubay nila basta mahatagan sila sang armas kag sang kadungan paghanas pulitiko-militar. Gilayon nga makapadaku ang BHB sa pag-agaw sang mga armas halin sa mga tropa sang



kaaway paagi sa mga operasyong ambus, reyde kag pang-aresto.

Padayon nga ginapakut-pakot sang mga upisyal sang Depensa kag militar nga kaaway nga ang kabilugan nga pwersang-riple sang BHB halin sa 7,000 at 12,000. Kadungan sini, ila ginapabugal nga paagi sa Lambat Bitag I, II kag III madinalag-on nila napanubo ang pwersa sang BHB halin 25,000 pakadto sa 6,000 halin sa ulihing bahin sang dekada 1980 tubtub temparano sang 1990. Indi ini matuod. Sadtong 1986, 6,100 lang ang mabaskog nga kalibreng riple sang BHB, nga wala sang eksakto nga pagkwenta sa nagkaladula nga riple sa Kampanyang Ahasadtong 1985 kag 1986. Dugang pa, napabayaang ang pagtukod sang mga milisya kag yunit sa pagdepensa-sa-kaugalingon.

Nagmadinalag-on ang mga taktika sang konsentrasyon kag amatamat nga pagpakupos sang Lambat Bitag sa pagwasak sa daku nga bahin sang rebolusyonaryo nga baseng masa bangud yadtong nagsulong sang sala nga linya sang wala sa panahon nga daku nga pormasyon kag prematyur nga regularisasyon nahulog ang kaugalingon sa taktika sang kaaway, pagpatumbaya sa hikuton masa kag pagkahamulag sang hangaway sa masa. Natadlong ini sa Ikaduha nga Dunganon nga Kahublagan Panadlong sa pagtalana sang rekisito sa pagpalapad kag pagpadalum sang baseng masa para sa lapnagon kag maikit nga pagpagig-away gerilya.

Umpisa Septyembre 11, 2001, ginapatuman sang rehimeng Arroyo ang dikta sang US nga pasingkion ang mga kampanya militar sang pagtapna batuk sa BHB kag pumuluyo sandig sa polisiya sang US nga "gera kontra terorismo" kag paggamit sa Pilipinas bilang "ikaduha nga patagawayan" sang amo nga gera. Sadtong 2002, pormal nga ginlunsar sang rehimen ang Bantay Laya nga nagapadron sa Lambat Bitag, agud

magkonsentrar sang pwersa militar sang kaaway sa pila ka pinili nga erya ukon prenteng gerilya para sa sa estratehiya sang gera nga madasigan ginatapos kag pagpakat sa sulod sang mga erya nga ini sang mga platun-kadaku nga *special operations team* (SOT) para sa amatamat nga pagpakupos sa BHB paagi sang kombatan, saywar kag in-teledyans.

Mahimo labi nga makahalalit sa pumuluyo ang konsentradong pwersa militar kag pulis kag mga *death squad* sa diin man sila nakatum-ok kag naga-operasyon. Pero indi bastante ang ila pwersa agud sakupon ang tanan nga baryo sa pungsod. May yara lamang 120,000 tropa ang reaksyunaryong AFP kag 130,000 ang PNP agud masakup ang 85 milyon sa erya nga 300,000 kilometro kwadrado. Ang istruktura sang pwersa sang kaaway tuman kabug-at sa ibabaw kag sarang makapakat lang sang 25 porsiyento sang tinawo sini para sa maniobra sa isa ka patud nga panahon. Tuman kabug-at man ang pwersa sang pulisya kag ang tinawo sa idalum natulunga sa tatlo ka tig-8 ka oras nga pagtrabaho kada adlaw.

Ang kabilugan pwersang mapahulag sang AFP makasakup lamang sang pila ka gatos nga baryo sa bilog nga pungsod sa isa ka patud nga tion. Tuyo sang Bantay Laya nga magkonsentra sang mga pwersa sang kaaway sa anum ka rehiyon kag sa kabilugan nga 600 baryo ukon sa abereyds nga 100 baryo kada rehiyon para sa sustenidong operasyon

**Nakabulig sa pagpasingki sang BHB sa mga taktikal nga opensiba sa bilog nga pungsod ang mga nagabaskog nga kontradiksyon sa tunga sang mga reaksyunaryo.**

militar kag pagwasak sa armado nga rebolusyonaryon hublag. Pero sa aktwal, ang nakadeploy lamang nga kaaway kulang sa 300 baryo sa kada napat-ud nga tion. Napabay-an sini ang linibu-libong baryo kon sa diin makahulag kag makapadaku ang BHB.

May kaugalingon nga pamaagi ang armadong pwersa sang kaaway sa pagdugang sang pwersa sa pagkoordinar sa pulis kag pribadong ahen-sya pangseguridad, pagorganisa sang mga paramilitar nga yunit pareho sang Citizens Armed Forces Geographical Unit (CAFGU), Civilian Volunteers Organization, Barangay Intelligence Network kag mga panatiko nga relihiyosong kulto ukon magarkila sa mga traidor nga nalagyo sa ila mga krimen sa rebolusyonaryong hublag. Pero manipis nga nalapta ang mga ini kag bulnurable sa opensiba pangpulitika kag pangmilitar sang BHB.

Ang indi malubad nga problema sang kaaway amo ang labing pagkagaruk kag napun-an sang krisis subong nga rehimen kag bilog nga nagaharing sistema kag pagkangil-ad sang pumuluyo. Mismo ang mga upisyal kag tinawo sang reaksyunaryong militar kag pulis disgustado sa ila manubo nga sweldo kag kakulangon sang suplay para sa personal nga kinahanglanon kag, malala pa, sa korapsyon kag hilikuton kriminal sang ila pinakamataas nga mga upisyal. Bayolente kag mapait nga kontradiksyon sa mga reaksyunaryong paksyon pangpulitika nga naga-inaway para sa manggad kag poder kag nagbunga sang pagpihak-pihak kag banggianay sa sulod sang militar kag pulis.

Sa pagsabat sa mga handum sang pumuluyo, nagtukod ang BHB sang madamu kag nagadamu pa numero sang prenteng gerilya. Gamit sang BHB ang pleksible nga mga taktikang gerilya sang konsentrasyon agud magatake sa maluya nga bahin sang mga pwersa sang ka-

away, sang *dispersal* para maghimo sang hilikuton masa kag magsaylu-saylo agud maglikaw nga makalipot sang mas superyor nga pwersa sang kaaway. Sa taktikal nga lebel, makakonsentrar ang BHB kag makagamit sang elemento sang sorpresa batuk sa maluya nga bahin sang kaaway. Mas superyor ang kaaway sa estratehikong panan-awan, pero bulag kag bungol ini bangud sa kulang sang suportang masa.

Sa mga tuig sang 2002-2004, nag-atubang sa kabudlayan ang pumuluyo kag mga rebolusyonaryong pwersa sa mga prenteng gerilya nga ginakonsentran sang Bantay Laya. Pero bisan sa mga prenteng gerilya nga ini, nasuguran nila nga kontrahon ang mga atake sang kaaway. Halin katapusan sang 2004 tubtub 2005, nagstabilisa sa 120 ang isip sang mga prenteng gerilya. Nagdamu ang mga ini halin sadto. Napaslawan ang katuyuan sang Bantay Laya nga waskon ang 10-15 prenteng gerilya sa kada natalana nga panahon kag isunod ang pareho nga numero.

Sa manabaw nga paglantaw, daw nagmadinalag-on ang Lambat Bitag sa pagwasak sa daku nga bulito sang rebolusyonaryo nga baseng masa kag nagpugong sa pagsulong sang hangaway sang banwa halin sa katapusan sang dekada 1980 tubtub temprano nga bahin sang 1990. Pero sa kamatuoran, nagpasiod sa kaaway ang mga "Wala" nga oportunista, dala-dala ang sayup nga linya sang "stratehikong kontra-opensiba" kag sang "stratehiyang RAWA". Ang BHB subong nakatuon sa mga leksyon kag nakabenepisyong sa Ikaduha nga Kahublagan Panadlong kag nag-angkon sang matunog nga kadalagan sa pagpaslaw kag paglutos sa Bantay Laya.

Bangud sa paglapad sang rebolusyonaryo nga baseng masa, nati-gayon naton ang mga mayor nga tikang sa pag-agaw sang inisyatiba sa pagpakig-away sa kaaway. Nadiri-

her naton ang mga kumand sa lebel sang prenteng gerilya, prubinsya kag rehiyon nga seryosohon ang hilikuton pulitiko-militar, dulaon ang konserbatismo kag huyog ukon mentalidad sang rebeldeng lagawan kag maghatag sang mga makamamatay nga bunal sa kaaway. Ang aton rebolusyonaryong estratehiya kag taktika kag paghiliusa sang BHB kag pumuluyo paagi sa organisado nga baseng masa napamatud-an naton nga sarang makalutos sa pwersang militar kag pulis sang kaaway sa pihak sang ini tuman nga mas daku, mas madamu resorsa, paghanas kag pinakabag-ong kagamitan halin sa mga imperyalista.

Umpisa sa katung-anan sang Septyembre sang nagligad nga tuig, nakalunsar ang BHB sang pungsodnon nga koordinadong mga taktikal nga opensiba sa idalum sang pangkabilugang ubay agud agawon ang inisyatiba halin sa kaaway, padasigon ang pag-agaw sang mga armas kag sa sini ang pagpalapad sang BHB kag padasigon ang pagpukan sa rehimeng Arroyo. Sandig sa eksperensya kag naabot nga kusog, sarang pasingkion sang todo ang pungsodnon nga mga taktikal nga opensiba kag magkadto sa bag-o kag mas mataas nga lebel.

Nakabulig sa pagpasingki sang BHB sa mga taktikal nga opensiba sa bilog nga pungsod ang mga nagabaskog nga kontradiksyon sa tunga sang mga reaksyunaryo. Ginahigop sang rehimeng Arroyo ang mga pwersang militar kag pulis sa pungsodnon nga kabisera agud unahan kag batuan ang posibilidad nga mapukan sang isa ka pag-alsa sang pumuluyo katuwang ang pag-atras sang suporta sang militar kag pulis,

*impeachment* kag pagbista sang lehislatura kag kudeta.

Nagpahayag ang pila ka upisyal militar kag pulis ang kagustuhan para sa untat linupok, alyansa kag kooperasyon sa rebolusyonaryong hublag batuk sa rehimen. Ginaabiabi sang BHB ang ila maayo nga intensyon. Nag-asignar ang Partido sang mga kadre nga magahimo sang tago nga rebolusyonaryong hilikuton sa sulod sang reaksyunaryong militar kag pulis. Nagaasikaso sini ang isa ka espesyal nga buru. Liwat ginbuhi ang Crispin Tagamolila Movement agud buyukon ang mga upisyal kag tinawo sang kaaway nga magdampig sa bahin sang pumuluyo. Ginalauman man nga sa kubay sang mga tinawo militar kag pulis matukod ang kaugalingon nga hayag nga demokratikong kahublagan agud pangapinan kag sakdagon ang ila mga kinamatarung kag lehitimo nga interes sa garuk nga nagharing sistema.

Madasig nga nagadelopar ang malapad nga nagahilugyong prente sang mga pwersa anti-Arroyo kag ang kahublagang masa paagi sa matawhay kag militante nga mga aksyong masa para pukanon ang rehimeng Arroyo. Ugaling ginsabat sang rehimen sa pag-agaw sang mga gahum sang layi militar sa ngalan sang Proclamation 1017 nga nagdeklarar sang "state of national emergency" kag naggamit sang brutal nga pwersa agud bungkagon ang mga aksyong masa, arestuhon ang mga progresibong lider nga wala mandamyento, salakayon ang upisina sang mga pahayagan kag magpamahog nga kontrolon ang mga empresa nga ginapanag-iyahan sang mga negosyanteng anti-Arroyo.


Agud hatagan-rason ang rehimeng Arroyo ang Proclamation 1017





kag ang nagapadayon nga polisiya sang terorismo sang estado, gin-imben-to sini ang estorya nga may himbunanay ang komunistang militar para magkudeta na napaslawan kuno sadtong Pebrero 24. Ginadabukan sini ang antikomunistang isterya agud hatagan-rason ang mapiguson nga mga tikang agud magpabilin siya sa poder. Ginahimo sini nga isa ka listahan sang mga arestuhon ang listahan sang mga negosyador sang NDFP, konsultant, katapu sang istap kag iban pa nga awtorisado nga tinawo sa idalum sang GRP-NDFP Joint Agreement on Safety and Immunity Guarantees (JASIG) kag gintapos na ang sugilanon pangkalinungan sa tunga sang Government of the Republic of the Philippines kag sang National Democratic Front of the Philippines. Indi na ini liwat madayon tubtub wala sang bag-o nga guberno sa Manila magproponer sa NDFP nga padayunon ini.

Sa idalum sang labing mapiguson nga mga kundisyon, gusto sang malapad nga masa sang pumuluyo nga magpasakup kag sumuporta sa armadong hublag. Madasig nga nagauswag ang nagahiliugyong prente para sa armadong paghimakas. Ginapwersa ni Arroyo ang mga lider kag mga aktibista sang kahublagang masa maghulag sang tago kag magpasakup sa armado nga rebolusyonaryong hublag. Ginatanyag sang mga alyado ang ila kooperasyon sa BHB agud makadulot ini sang dugang nga mga epektibong bunal sa kaaway. Nagatalang-talang ang rehimeng Arroyo sa posibilidad nga talikdan ini sang mayorya sang mga



upisyal militar kag pulis sa tition nga may daku nga pangmasang pag-alsa sa EDSA kon indi man sa palibot sang Palasyo sang presidente. Isa ka "witchhunt" ang ginahimo sini sa sulod sang AFP kag PNP kag nagimbento sang kaso kudeta batuk sa mga upisyal nga ginadudahan nagadampig sa oposisyon. Basta lamang nga ginaaresto, pagkulong sa kampo, wala pat-ud nga hilikuton, demosyon ukon pagpahalin.

Muklat kita nga nagabaskog ang anti-Arroyo nga huyog sa sulod sang pwersang militar kag pulis. Ugaling ginapunggan ang mga ini kag ginapamensar sang mga grupo anti-Arroyo kon paano makabato. Kadam-an sang mga grupo nagahulat sang kahigayunan nga talikdan ang rehimen. Ginpamensar sang pila ka grupo ang paglunsar sang mga atake militar agud ipakita ang pagka-inutil sang rehimen nga mamuno ukon indi arestuhon ang nag-agaw sa awtoridad sang presidente paagi sa pagdinaya sa eleksyon ukon maglunsar sang kudeta kontra sini.

Maluwas sa mga grupo nga anti-Arroyo sa militar kag pulis, may ginagmay man nga armadong grupo sa Mindanao, Visayas kag Luzon nga gustoman maghimo sang mga aksyong pangsabotahe batuk sa mga instalasyon kag pasilidad sang rehimeng Arroyo kag dumuluong kag lokal nga korporasyon nga nagasuporta sini. Ginapahanumdum ang tanan nga armadong grupo nga kontra sa rehimeng Arroyo nga indi maghimo sang mga aksyong militar nga makahalit lamang ukon pangunahon, sa sibilyan nga populasyon ukon sa naturalisa. Kon indi, ang mga ini indi makabig nga ginahimo sa ngalan sang interes sang pumuluyo.

Sa bahin sang BHB, ginasunod

sini ang permanente nga polisiya kag linya sang Partido nga maghatag makamamatay nga mga bunal sa kaaway sa pinakapresiso nga paagi nga mahimo, agud amligan kag itibong ang pungsodnon kag demokratikong kinamatarung kag interes sang pumuluyo kag magtipon sang pangpulitika, pangmilitar, sosyo-ekonomiko kag kultural nga mga kadalag-an agud magserbi sa pagsulong kag pagmadinalag-on sang demokratikong rebolusyon sang banwa.

### **Mga ubay para sa pagpadasig sang mga opensiba**

Sa pagpamuno sang Partido kag bilang pagsabat sa ginademanda sang pumuluyong Pilipino nga rebolusyonaryong pagbag-o, dapat padayon nga pasingkion sang BHB ang iya mga taktikal nga opensiba batuk sa mga pwersa sang militar kag pulis sang reaksyunaryong estado, maluwas sa mga maathag nagapakita sang pruwera sang pagpamatuk sa rehimeng Arroyo. Gilayon nga katuyuan sang mga taktikal nga opensiba ang pagpaluya kag pagpukan sa rehimeng Arroyo pero nagatuyo man ini nga pabaskugon pa ang mga rebolusyonaryong pwersa kag isulong ang demokratikong rebolusyon sang banwa batuk sa bilog nga nagaharing sistema.

Imposible nga mapukan sang pumuluyo kag sa malapad nga nagahiliugyong prente ang rehimeng Arroyo sa relatibo matawhay nga paagi kon indi i-atras ang suporta diri sang sang militar kag pulis pareho sa EDSA 1 sadtong 1986 kag EDSA 2 sadtong 2001. Kon indi matabo ang pag-atras sang amo nga suporta, padayon nga masolo sang rehimeng Arroyo ang kontrol sa mga reaksyunaryo nga pwersa sang militar kag pulis paagi sa kadena sang kumand kag madali sini nga mapunggan ang mga kinamatarung sibil kag pulitikal kag tapnaon ang

mga aksyong masa pareho sang gin-himo sini sadtong Pebrero 24.

Gusto sang pumuluyo kag sang mga rebolusyonaryong pwersa nga padasigon ang pagpukan sa rehi-meng Arroyo. Nagakangil-ad sila sa mga krimen sang rehimen. Ang sub-ong nga malapad nga nagahiliug-yong prente sang mga partido opo-sisyon, mga demokratiko nga organ-isyong masa kag sang anti-Arroyo nga seksyon sa sulod sang AFP kag PNP may bastante nga potensyal nga pwersa para pukanon ang rehi-men. Ugaling may mga pamaagi pa gihapon ang rehimen sa pagpalawig sa poder paagi sa paggamit sang makinaryang burukratiko kag militar sang estado kag sa pagpakighimbon kag pagbayluhanay sang pabor sa mga imperyalista US kag sa pinakareaksyunaryo nga mga insti-tusyon, partikular ang pinakamataas nga mga upisyal sang dominante nga Simbahan Katoliko kag mga asosasyon sang dalagku nga negosyante kag mga dumuluong nga kumpanyang multinasyunal kag dalagku nga mga kumprador.

Ini ang mga pwersa nga nagtu-got nga maglawig sang napulo'g apat ka tuig ang pasista nga dik-taduryang Marcos. Ginapabugal nila nga sila ang pangunahon nga nag-papukan sa diktadurya. Pero ang matuod nga ginsikway lang nila ang diktadurya sang nangin pabug-at na ini nga indi mapuslan. Gusto nila nga pungan ang pag-panghangkat sang rebo-lusyonaryo nga kahubla-gang masa kag sang hangaway sang banwa sa bilog nga nagaharing sistema. Nahibal-an sang nagaharing guban Arroyo ang paliku-liko sang sistema sang mga daku nga kumprador kag agalon nga may-duta nga kontrola-



do sang US. Gani nagahana ini nga gamiton ang padihot sang pagbaylo sang konstitusyon indi lang para magpalawig pa sa poder kundi agud mapaluntad ang ala-Marcos nga kagamhanan diktador kabaylo sang mga amyenda nga gusto sang US kag mga lokal nga nagaharing sahi.

Sa isa ka bahin malain ang pa-dayon nga pagpabilin ng sang rehi-meng Arroyo sa poder. Pero sa isa man ka bahin maayo man ini bangud ang pagpabug-at sang madugay na nga garuk nga sistema sang rehi-men, ang nagaalingasaw nga pinakaubod nga kagarukan sang sis-tema. Ang kamatuoran nga makapa-bilin lamang ini sa poder paagi sa hayag nga kalakasan kag pagpanip-lang nagapamatuod ang kakina-hanglanon sang armadong rebolu-syon. Ang madalian nga kahublagan para pukanon ang rehimen sang Arroyo paagi sa ligal nga paghimakas na-gasanto sa pangmalawigan nga kahublagan para pukanon ang bilog nga nagaharing sistema paagi sa ar-madong rebolusyon.

Ang mga armadong pwersa sang kaaway labing superyor sangsa hangaway sang banwa sa numero sang tropa, kahanasan militar, kagamitan kag pangpinansya nga re-sorsa. Naayon sa ila katuyuan ang maglunsar sang estratehikong open-siba ukon gera nga madali ginatapos sang banwa. Ugaling ang tuman ka limitado sang ila kusog relatibo sa aton estratehiya kag taktika kag sa sosyal kag pisikal nga kahimtangan para sa maniobra sang BHB. Ang aton estratehikong linya nga malawigan nga inaway banwa kag ang subong naton nga takti-ka ginatampukan sang mga taktikal nga opensi-ba sa sulod sang estrate-hiko dependisiba. Ang BHB nakabase sa kubay sang

masang mangunguma kag may bas-tante sa maniobrahan sa kaumhan. Napulo kontra isa ang estratehiko nga labaw sang pwersa sang kaaway sa BHB. Pero sa taktikal nga lebel, ang BHB makaangkon sang superyo-ridad sa pwersa sang kaaway sa na-pulo ka BHB kontra isa ka kaaway kag sa sini makalunsar sang mga inaway nga madasig ginatapos.

Dapat maglunsar ang BHB lap-nagon kag maikit nga pagpakig-away gerilya base sa nagalapad kag nagapadalum nga baseng masa. Da-pat naton pauswagon ang nahanun-ga nga lebel sang estratehikong de-pensiba paagi sa pagpalapad, pagkonsolida kag pagpadamo sang mga prenteng gerilya, pagpadamu sang aton mga platun kag pagpahu-lag sa ila batuk sa kaaway sang mas masunson kag sa pungsodnon nga sakup agud papason kag disarmahan ang kaaway. Kadungan sini, dapat pleksible kita nga maggamit sang mga magagmay nga tim kag iskwad (sa mga operasyong isnayping, sab-otahe kag pagsilut) kag amo man sang mga pinadaku nga platun kag mga kumpanya, depende sa kinaiya kag gintalana sang misyon.

Dapat naton tukuron ang mga kumand sa operasyon sang BHB sa mga lebel sang prenteng gerilya, prubinsya kag rehiyon agud mapan-gibabawan ang disbentaha sang malawig nga pagtum-ok sa hilikuton masa kag pagkabuyo sa pamaagi sang deployment kag mga hulag sang mga iskwad kag tim sang arma-do nga propaganda nga ginatumod bilang konserbatismo kag tendensya ukon kaisipan rebeldeng lagalag. Ka-da kumand sa kada lebel sang prenteng gerilya, prubinsya kag re-hiyon mahimo may isa ka platun sa pinakamanubo bilang pwersang pang-away, pauswagon ang ila mga ikasarang (kahanasan pulitiko-mili-tar, paniktik, operasyon, ordanans, serbisyo medikal, iban pa) kag mag-amot sa pagpasunson sang mga tak-tikal nga opensiba.

Dapat naton mentenaron ang inisyatiba sa pagpakig-away sa kaaway. Mahimo naton ini bangud may aton baseng masa nga malunsaran sang mga taktikal nga opensiba kag kon diin makamaniobra kita, ano man ang kinahanglanon nga taktika, sa pagtipon, pagbungkag ukon pagsaylo man ini.

Permi naton panilagan ang mga pwersa sang kaaway agud matukib ang ila mga kahinaan. Makapili kita sang kahigayunan kag lugar sa tilipunan sang aton pwersa kag hatagan sang makamamatay nga mga bunal ang target. Mahimo buyukon naton ang mga pwersa sang kaaway sang magsayup kag magamuhan ang dispusisyon sang iya mga yunit sa estratehiko kag taktikal.

Mga inaway nga sarang lang naton mapadaog ang dapat ilunsar. Indi dapat kita magsulod sa mga inaway nga indi mahusgahan, nga indi naton sigurado mapadaog. Dapat naton likawan mabutang sa mga depensibo nga inaway. Dapat kita maglunsar sang mga operasyong ambus, reyd kag pagpang-aresto kon sa diin makahulugsa kita may bentaha paagi sa pagtipon sang superyor nga pwersa kag paggamit sang elemento sang sorpresa. Dapat natin ini himuon nga may kadasigon kag kalaparon nga magamuhan ang kaaway kon sa diin kag paano agawon ang inisyatiba.

Kon nagaabante ang kaaway nga may superyor nga pwersa nga nagapangita sang away, indi dapat naton bulag nga sugataon ini sang pwersa sang BHB nga madali nila makita, makulong kag magwasak. Mahalitan naton ang nagaabante nga pwersa sang kaaway paagi sang mga *landmine*, magagmay nga tim kag mga isnayper. Kon nakakampo ang pwersa sang kaaway, pwede naton sila harason kag indi siya pagpahuwayon. Kon nagaatras sila, mahibal-an naton kon diin sila bunalan sang mabaskog base sa impormasyon nga

natipon naton bahin sa ila hulag.

Dapat naton padayunon ang mga taktikal nga opensiba sa bilog nga pungsod. Himuon naton ini sandig sa pangkabilugan nga pagsulundan halin sa sentro sang Partido kag pungsodnon nga kumand sang BHB. Angot sa madugay na nga polisiya sang desentralisadong operasyon, dapat gamiton sang BHB sa nagkalain-lain nga mga prenteng gerilya, prubinsya kag rehiyon ang sari-sari nga pleksibleng taktika, gamit ang nagkalain-lain nga tipo sang mga yunit pang-opensiba kag armas. May mga taktikal nga opensiba nga santo sa sakup kag ikasarang sang BHB sa isa ka natalana nga lebel sang kumand. Mahimo igapanugyan sang mas mataas nga kumand ang mga taktikal nga opensiba nga nagakinahanglan sang mas daku nga pwersa nga yara sa isa ka lebel, lakip ang nagakaigo nga paniktik kag napanahon nga impormasyon bahin sa target.


Dapat naton padamuon ang mga taktikal nga opensiba agud makakuha sang armas. Tigayunon naton ini paagi sa mga reyd, mga ambus kag mga operasyon sa pagaresto batuk sa mga yunit kag elemento sang militar, pulis, paramilitar kag pribadong ahensya pangseguridad. Kinahanglan naton ang mas madamo nga armas agud makatukod sang dugang nga mga yunit pangaway sang BHB kag mapataas ang lebel sang inaway banwa. Samtang nagapasingki ang pagpamigos sa mga puting lugar, ginalauman kita nga makapa-integrar sa BHB sang mas madamo nga kadre kag katapu sang Partido kag mga aktibistang masa.

Dapat kita magpursiger sa pagpapas, atrisyon kag pagbungkag sa mga pwersa sang kaaway. Ginahatagan naton pangunahon nga tum-ok ang mga taktika sang anihilasyon

bangud ini ang makapatuhaw sang madamo nga armas. Pero sa tion nga magpuas na ang aso sang inaway, maayo nga ginatratat naton ang mga nakasalbar nga kaaway kag ginabulong naton ang mga napolisan. Samtang nagaluntad ang inaway, mahimo pasurenderon ang mga tinawo sang kaaway. Tuhtub ginatugot, wala naton ginapalukpan ang isa ka yunit sang kaaway nga pwede madisarmahan nga wala sang lupok.

Masilutan naton sang husto ang kaaway paagi sa mga aksyong atritibo. Dapat naton panilagan kag tun-an ang mga linya kag pamaagi sang transportasyon, mga instalasyon, mga bodega kag iban pa nga pasilidad mga importante sa kontra-rebolusyonaryong gera sang kaaway. Dapat naton atakehon ang mga ini sa kasunson nga kinahanglan agud paluyahon kag waskon ang ikasarang maglunsar sang gera sang mga pwersa sang kaaway kag pwersahon sila nga mabutang sa depensiba, magdeploy sang dugang nga bantay kag buhinan ang numero sang mga suldado nga madeploy sa prente.

Dapat naton pihak-pihakon ang mga tinawo sang kaaway paagi sa nakalain-lain nga taktika. Dapat naton pat-uron nga makaabot ang aton rebolusyonaryong propaganda sa mga tropa sang kaaway. Pahanumdumon naton sa ila nga pigos kag ginahimuslan nga kahimtangan sang ila mga pamilya kag sang masang anakbalhas kag buyukon naton sila nga magpasakup sa armadong rebolusyon. Ginatanyagon naton sila sang untat linupok, alyansa kag kooperasyon batuk sa ginakangil-aran nga rehimeng Arroyo. Palapnagon naton ang balita nga wala kita nagaatake sa mga yunit sang kaaway nga nagapakita sang pruweba sang pagkontra sa rehimen. Ginarespeto naton ang pag-



surender sang mga kaaway nga sul-dado bisan sa tunga sang inaway. Ginatratar naton sang maayo ang aton mga bihag sandig sa pangkalibutanon nga tawhanong layi.

Wala naton ginakaluy-an ang pinakamalaut nga reaksyunaryo: ang may pinakadaku nga salabton sa pagdirihir kag maghimo sang pag-pamigos, paglapas sa tawhanong kinamatarung, pagpamuyong, pagguba sang naturalisa kag pagduso sang droga. Kon nagademanda ang mga biktima, ang Partido ukon ang nasambit nga organo sang gahum pangpulitika dapat mag-isyu ang korte sang pumuluyo sang mandamyento para sa pag-aresto, pag-pangita kag pagkumpiska nga ginapatuman sang BHB. Kon ang ginasuspetsahan nga kriminal armado kag delikado ukon may upod nga mga armado, gina-awtorisahan ang BHB nga maggamit sang kinahanglanon nga kusog agud lutuson ang ano man nga pagbato.

Sa atubang sang tanan nga mapiguson nga mga tikang sang rehimeng Arroyo, dapat magpursiger ang pumuluyo kag malapad nga nagahiliugyong prente sang mga ligal nga mga pwersa anti-Arroyo sa paggamit sang ila mga kinamatarung sibil kag pangpulitika kag maglunsar sang mga aksyong masa agud pangapinan ang mga kinamatarung pungsodnon kag demokratiko. Nahibal-an nila kon paano nahamulag kag maluya ang panindugan sang rehimeng Arroyo kag maggamit nila ang ila manggaranon nga inagihan sa ligal nga paghimakas sadtong panahon sang pasistang diktaduryang Marcos.

Magkatuhay ang nagahiliugyong prente para sa ligal nga paghimakas kag ang nagahiliugyong prente para sa armadong paghimakas pero may sugpunanay, interaksyon kag pagbuligay ang duha. Ginapukaw kag ginapahulag sang malapad nga nagahiliugyong prente para sa ligal nga

paghimakas ang minilyun-milyon nga pumuluyo para ihamulag kag paluyahon ang kaaway. Ginapakita sang mga sarbey nga 65-80 porsyento sang pumuluyo ang gusto nga mapatalsik ang rehimeng Arroyo. Ginapahalag sang malapad nga nagahiliugyong prente para sa ligal nga paghimakas ang dalan para sa nagahiliugyong prente para sa armadong paghimakas, nga amo ang pangunahon nga aspeto sang nagahiliugyong prente para sa pukanon ang subong nga rehimen kag sang bilog nga sistema.

Ang mga lider kag katapu sang mga patriyotiko kag progresibong pwersa nga nagaatubang subong sa pinakadaku nga peligro sang pagpamigos pareho sang kidnaping, tortyur kag pagpamatay mahimo magsaylo sa rebolusyonaryo nga kahublagan tago tubtub magpadayon sa armadong paghimakas. Bukas man ang mga rebolusyonaryong pwersa sa pakigsugilanon kag magkasugot sa mga anti-Arroyo nga grupo sang mga upisyal militar kag pulis bahin sa mga repormang sosyal, pang-ekonomya, pangpulitika kag kon paano ipatuman ini.

Ang rebolusyonaryong polisiya sa pakighiliugyong prente amo nga kumprehensibo nga anti-imperyalista, antipiyudal kag antipasista bisan pulupanahon nagatum-ok ini sa isa ka makitid nga target pareho sa rehimeng Arroyo (ang puno nga tiglawas sang mga mapanghimulos nga sahi) kag nagapalapad agud maglakip sa pila ka seksyon sang reaksyunaryong mga pwersa batuk sa komon nga target. Sa kahimtangan nga may malapad nga nagahiliugyong prente, bilang prinsipyo dapat magpakalig-on ang mga rebolusyonaryong pwersa sa pagsakdag sa rebolusyonaryo nga makasahing

lina kag mentenaron ang kahilwayan kag inisyatiba bisan nga pleksible ini sa polisiya kag taktika.

Ang rebolusyonaryo nga polisiya sa pagpakighiliugyong prente nakabase sa alyansa sang mamumugon kag mangunguma, nga ginapamunuan sang PKP kag may isa nga hangaway sang banwa. Ang rebolusyonaryo nga nagahiliugyong prente ginapalapad paagi sa dugang nga mga alyansa bilang progresibo nga pakig-alyansa sang masang anakbalhas sa petiburgesya nga tagasyudad, patriyotiko nga pakig-alyansa sa pungsodnon nga burgesya kag temporaryo nga pakig-alyansa sa mga seksyon sang nagapanghimulos na mga sahi kontra sa kaaway, ang pinakamalaut sa mga reaksyunaryo nga masinulundon sa imperyalismo.

Labaw nga ginakakulbaan sang rehimeng Arroyo ang malapad nga nagahiliugyong prente kag kahublagan masa sa pungsodnon nga kabisera kag ang pagtuluhaw sa pila ka anti-Arroyo nga grupo sang mga upisyal nga militar kag pulis. Gani, agud maproteksyunan ang kaugalingon, ginadeploy niya ang dugang nga mga tropa sa idalum sang iya ginasigahum tampad sa iya nga mga upisyal. Nabuhinan ang numero sang mga

tropa nga nakapakat batuk sa BHB. Ginatinguha sang rehimen nga palig-unon ang untat linupok sa MILF kag pasanyugon ang relasyo sini sa MNLF (Misuari) agud madugangan ang mga tropa nga madeploy batuk sa BHB. Pero nagalaum kita nga pasingkion sang pumuluyo Moro ang ila armadong paghimakas samtang ginahatagan naton sang maka-



mamatay nga mga bunal sa komon nga kaaway.

Sa madamo nga grupo nga anti-Arroyo sa sulod sang militar kag pulis, may pila nga nagatuyo maghi-mo sang mga aksyong pangsilot kag panabotahe sa pungsodnon nga kabisera kag sa mga syudad sa prubinsya agud mapakita ang kawad-on ikasarang nga maghari sang rehimeng Arroyo. Wala kita sa pusisyon para pungan sila sa ila plano. Pero hayag naton nga ginaabisuhan nga likawan makahalit sa mga sibilyan sa proseso sang pagsilut kag panabotahe sa mga pili nga target.

Agud di mabasulan ang Partido kag BHB sa mga aksyon sang mga grupo nga anti-Arroyo sa sulod militar kag pulis, ginahatagan tum-ok naton subong nga kon ano man ka bayolente ang rehimeng Arroyo sa pungsodnon nga kapital, nagapanindugan ang PKP kag BHB nga ang porma sang paghimakas sa kasyudaran amo ang ligal kag dependsibo kag ang patag-awayan sang armadong paghimakas subong amo ang kaumhan. Pero handa ang mga armadong yunit partisano kag iban nga espesyal nga tim sang rebolusyonaryong hublag para silutan ang pinaka-reaksyunaryo sa diin man nga bahin sila sa pungsod.

Ang rehimeng Arroyo nagatuga sang nagaalimpulos sang kalakasan sa pungsodnon nga kabisera agud hatagan rason ang paggamit sini sang brutal nga pwersa para tap-naon ang pumuluyo, mga partido nga oposisyon, mga demokratikong organisasyong masa, ang masmidya kag iban pa. Ang malapad nga kubay sang mga nagapartipisar dapat sang lubos sa paglunsar sang ligal nga

paghimakas batuk sa rehimen. Mahimo nga makalunsar kita sang mga aksyong pangsilot sa kasyudaran. Pero pirme naton ginaathag ang matarung nga basehan sang amo nga mga aksyon kag ginasiguro nga ang kasunson sini indi makabunggo sa pangunahon nga ligal kag dependsibong kinaiya sang paghimakas sa kasyudaran.

Agud hatagan rason ang pagpataw sang Proclamation 1017 kag ang pagsabwag sang kapintas, nagimbento ang rehimeng Arroyo sang estorya nga may alyansa para sa kudeta sa tunga sang mga komunista kag mga maki-Tuo nga militar. Wala nagapili kag mabaskog nga nagakontra ang mga rebolusyonaryong pwersa sa ano man nga kudeta sang ano man nga anti-Arroyo nga grupo sang mga pwersa militar kag pulis. Pero pareho sa mga ligal nga demokratikong pwersa kag mga partido oposisyon, gusto nila ang mga pwersang militar kag pulis sang reaksyunaryong estado aang magrespeto sa kinamatarung sang pumuluyo sa hilway nga pagpahayag kag pagtilipon, mag-atras sang suporta militar kag pulis sa rehimen, magtib-ong sa prinsipyo sang mataas nga gahum sang sibilyan, kag magsuporta sa pagtukod sang isa ka bag-o nga gubyernong sibilyan kag magsugot nga buhion ang negosasyon pangkalinungan sang GRP-NDFP.

Malauman naton magdugang pa ang kalakasan sang rehimeng Arroyo sa bilog nga pungsod, lunsay sa kasyudaran kag kaumhan. Nasaksihan naton ang brutal nga operasyon sang regular nga yunit militar kag pulis kag sang mga

*death squad*. Naakig ang pumuluyong Pilipino kag mga pumuluyo sang kalibutan sa lapnagon nga paglapas sang tawhanong kinamatarung. Pero indi lang bastante ang magprotesta. Kinahanglanon ang gitgitanay nga paghimakas kag pagpasingki sang lebel sang inaway banwa.

Ang malapad nga masa sang pumuluyo nagalunsar sang paghimakas nga nagasaligon sa kaugalingon para sa pungsodon nga kahilwayan kag demokrasya. Matarung ang aton rebolusyonaryong kawsa. Nagaangkon ini sang daku nga suportang moral kag pulitikal halin sa pumuluyo sang kalibutan. Labi pa kita nga magtinguha nga hatagan tum-ok ang a bag-o kag mas mataas nga lebel sang internasyunal nga suporta. Permi naton ginasigahum nga katungdanan nga mag-amot sa pangkalibutanon nga paghimakas sa imperyalismo kag reaksyon.

Labi pa nga magabaskog ang BHB paagi sang pagpasingki sang armadong paghimakas, paglunsar sang reporma sa duta sa mas malapad nga sakup kag pagtukod sang mas mabakod nga baseng masa. Bug-os ang desisyon sini nga magabante sa masunod nga lebel sa malawigan nga inaway bansa sandig sa linya sang bag-o nga demokratikong rebolusyon batuk sa imperyalismong US kag mga lokal nga mapanghimulos nga sahi. Ginapanan-aw naton ang lubos nga kadalag-an sang demokratikong rebolusyon sang banwa kag ang pagsugod sang sosyalistang rebolusyon sa malawig nga martsa padulong sa komunismo. AB